

نوآبادیاتی تعلیم ڈیلٹا

نوکاپ بلوچ

نوآبادکار کہ زمیے گپت وتی نوآبادیاتی نظام ۽ مہکم کنگ ۽ پہ ہمازمین ۽
نشنگیں مردماں وتی وڑ ۽ (کرپٹ، بد ایمان، دو کہ باز) کنگ ۽ جتاکیں ٹول ۽
فوس تیار کنت۔ ایشانی پہ گشادی ۽ تیار کنگ ۽ نوآبادکار ۽ گور ۽ وشتریں سوہان
ہندی مردم بنت، ہماہانی ہمکاری ۽ گوں چاگرد ۽ تہ ۽ ایرد ستیں مردم نوآبادکار ۽
مُشنگیں نادراہیانی آماج بوان بنت۔ پوسٹ کالونیل تھیورسٹ نوآبادکار ۽
اے پیمیں سُر پراں ایرد ستیں مردمانی ڈی سیولائز کنگ ۽ عملے سرپد بنت، آ
گش آنت کہ ایرستانی ڈی سیولائز کنگ نوآبادکار پمیشکا لازمی سرپد بیت کہ
ایردست چہ وتی ہستانک، دودمان ۽ ریبید گان بہ لگوش آنت ۽ ہمانی ۽ حکم ۽ گلام بہ
بنت۔

چاگردے کہ چہ وتی ہستانک، دودمان ۽ ریبید گان بہ لگوشیت داں اودازندگی ۽
بندیک مان گیش ایت، جند ۽ گوں درآمدی یے بندوک بیت۔ اودا
لاچ، کرپشن، رد دیگ ہروچینگیں سُر پرائی بہر بنت، مردم گیش ۽ وت نہ

بنت ءِ نو آباد کار سوب کنت وتی نو آبادیاتی پروگراماں شاہیگان کنت گڑ آ
 چُشیش جاوراں پہ ایردستاں باشعور ءِ آگاہ بوگ لازم انت کہ نو آباد کار ءِ رپک ءِ
 ہُزراں آشنا بہ بنت ءِ پاک ءِ پلگاریں سماجے ءِ وتی دودمان ءِ ربیدگاں گوں زند
 گوازیگ ءِ راہاں بہ پول انت داں گلامی ءِ نادزسی ءِ ساد چر ایایاں بہ سدیت۔

ایرستانی باشعور ءِ آگاہ کنگ ءِ کار ءِ نو آباد کار ءِ زلم ءِ زوراک، جنگ ءِ
 کشنگ، ٹارچر سیل ءِ زنداناں ہوار نو آبادیاتی نظام ءِ ہلاپ ءِ اوشتو کیں آشوب
 کنت، ایردستانی شعور ءِ سرپدی نو آباد کار ءِ وسوس دنت، آشوب آئی ءِ پاداں
 لرزینیت۔ آوتی جنگ ءِ کشنگ ءِ ہواری ءِ ہما کلئیں سُر ءِ پُراں شیواری ءِ گوں
 ترند تر کنت کہ ایردست ءِ بے سما ءِ بیگانگ بہ کنت داں وتی ہاکمی ءِ بر جاہ داشت
 بہ کنت ءِ آشوب ءِ چیر بہ ترینیت۔

پاکستان ءِ وتی نو آبادیاتی نظام بلوچستان ءِ آنچو سہیننگ یک نیمگے بلوچانی
 جنگ، کشنگ آیایاں ٹارچر سل ءِ زندانی میار کنگ ءِ انت دومی نیمگ ءِ وتی کبزہ ءِ
 جائز کنگار دیں سوچ ءِ ہیال ایردستیں بلوچانی تہ ءِ پیداک کنگ انت داں آئی ءِ کبزہ
 بہ مانیت ءِ آشوب چیر بہ تریت۔ پرے کار ءِ پاکستان ءِ ہندی بلوچ پہ لب ءِ لالچ

وتی کنگ انت داں ہمیشاں چہ ہما فورس ءُ ٹولاں تیار کت بہ کنت کہ چا گرد ءُ
 کرپٹ ءُ پد منتگ کنگا نو آباد کار ءُ ہمکار بنت ہے ر دیں سوچ ءُ ہیالانی پیدا ک
 کنگ ءُ مکسد اُود ءُ مردماں سہولت ءُ ایمینس زندگی ءُ نام ءُ وتی چیر دست کنگ
 انت۔ ہے ٹولاں چہ یکے جتا میں ادارہانی جو ڈ کنگ ءُ چر ایماں ہے کار ءُ کنگ انت
 کہ پاکستان مرچی جتا میں شکلاں کنگا انت ءُ چر ایماں زند تریں دروراں نہیں وانگی
 رہ بندے ٹہینگ ءُ وتی دانشگیں دانشورانی اسکواڈے تشکیل دیگ کہ انجیں
 ذہن سازی ءُ ڈسکورس پیدا ک بہ کنت داں مردماں چہ راستی ءُ اندیم کت بہ
 کنت ہمیشکا مرچی بلوچستان ءُ جتا میں دمگاں پاکستان ءُ دانشگیں دانشورانی اسکواڈ
 اسکول ءُ کالج بہ گرداں میست ءُ مدرسہاں بیاموجود انت (بازیں وانگی ادارہاں
 ایمانداریں بلوچ ہست کہ ورنہاںی باشعور کنگ ءُ وانینگ وتی راجی زمرہ واری
 زرتگ اش)۔ پاکستان وتی کبزہ ءُ بنداتی روچاں ہے دا میں دو تل ءُ دو پوستی کنگا
 انت، بلے پرے زوتاں آئی ءُ مکاری شیوار تر ءُ شاد تر بوتگ انت۔ آوتی وانگی
 نظام تہ ءُ ہما کلمیں تیار کنگیں فورساں ہوار گیجگ ءُ انت کہ آ آئی ءُ کبزہ ءُ
 زوراکیاں پردہ داں بہ کن انت۔ پاکستان ءُ اے پی میں مکاریانی مستریں
 درورے بلوچستان ءُ وانگی نظام ءُ سر ءُ فوجی کبزہ انت، جتا میں شکلاں وانگی ادرا ءُ

سرکلائی اُرش پاکستان ء وحشی پن ء دلترکی ء بدترین دروشم انت۔ آئی ء ترس
 آشوب انت کہ آئی ء روٹنگاں کتاب ء وانگی سرکل مہکم کن انت، ہے سوک ء
 آئی ء وانگی کلچر ء سرء پوجی قوتے ایر دست کنگ۔ مرچی بلوچستان ء یونیورسٹی ء
 اسکولاں ہے قوتاں جتائیں پروگرام ء مراکش بلوچ ورنہاں وتی وڑ
 ء (کرپٹ، بد ایمان، دو کہ باز) کنگ ء واستہ ٹہینگ بوگ ء انت۔ نو آباد کار ء
 وانگی رہند ء تہ ء در انگلیں ورنہ نو آبادیاتی نادرہیاں ژند ء ڈول کنگ انت آچہ
 نو آباد کار ء ٹٹ ء پل ء، جنگ ء کشک ء بے ساسر جمی ء نہ انت بلے بے عملی ء وت
 پرستی ء الم آماج انت، پرایاں زندگی چار و ہد ء ورگ ء لوگے ء ایمن بوگ
 سرکاری پکارے ء وسیلہ یے منتگ۔ اے پیہیں نادرہی نو آبادیاتی نظام ء مہکم
 کنگ ء ارزان کن انت۔

بلوچ سماج ء ہے نادرہی گور جنگ ء انت، پاکستان وتی زور کی ء کبڑہ ء
 پردہ دیگ ء واستہ بلوچ ورنہانی بے سما ء بیگانگ کنگ ء دست ء پاد جنگ ء
 انت۔ اشی ء درورے مرچاں مکران হাস کچ ء نو آباد کار ء دانشگیں دانشور ء
 ماسٹرنی اسکولانی تہ ء آئی ء پوجی بیانیہ ء پروموشن انت، آیانی تہ ء ڈیلٹا ء دستے
 دیم ء انت۔ جنگانی تہ ء جنگی منافع خورانی کارچہ جاوراں وتی سیت ء نپانی کشک

انت کیچہ ایشانی درور ہے تپیمیں مردماں کہ آیانی تیر ڈیلٹا شکار زرہ کلدار
 انت۔ دو ہزار یازدہ دوازدہ زمانگ ء کیچہ ء کہ آشوب وتی روچاں ات چہ
 جاوراں سیت گرگ ء واستہ ڈیلٹا آشوبی در سگاہ یے ات واجہ صباہ تپیمیں دانشور
 پہ گشتانک ء دعوت دات آنت، نمیر انیں رسول جان ء وڑیں استادانی دست ء
 مہربان نودر برانی سر ء ات، بلوچ قومی تحریک ء راڈیلٹا ء زمانگ ء وانگی چاگرد ء
 بے مٹیں کیڈر داتگ۔ بے 11 مئی دو ہزار سیزدہ ء بلوچستان ء پاکستان ء بے
 بنیادیں گینکاری ء پاکستان ء دانشگیں ڈنگ ڈاکٹر مالک بلوچستان ء نام نہادیں سر
 وزیر ناینگ بیت اولی ء پاکستانی پوج ء اجنسیانی کمک ء بلوچستان ء وانگی کلچر ء سر ء
 ارش کنت، کتابانی دکاناں چھاپہ جنت، بلوچی ء ایندگہ مزا حتمی لٹریچر اں بندش
 جنت، ورنہ ہمے ترس ء وتی کتاباں کل کن انت، ماندار انت ڈیلٹا ء وانگی چاگرد ء
 ہلاس کنگ ء سرکار ڈیلٹا ء یکبرے بند کنت ء پداوتی دانشگیں اسکرپٹے ء گوں
 ڈیلٹا ء دو بر پچ کنگ ء حکم ءے دنت۔ مریچی آپاکستانی پوج ء توار انت ہے
 زوتاں ڈیلٹا اسکول ء نودر برانی کیمپ برگ اشی ء مستریں گواہی انت۔ ڈیلٹا ء
 نو آبادیاتی وانگی رہند انچو شیواری ء گوں دانشگ کہ چرائی سر جمیں وانگی
 کلچرے متاثر بوگ ء انت بلوچ ورنہانی مز میں بہرے چرے وانگی نظام ء

بیگانگہٗ نوٗ اپگ بوگہٗ انجیں نفسیاتانی آماج بوگہٗ کہ آنو آبادیاتی نظامہٗ مہم کنگہٗ پادگ آنت۔ مسالہٗ ہبرہٗ بلوچستانہٗ تہہٗ سی ایس ایس ہٗ جوہ کلچرہٗ پروموشنہٗ ایچو کہ ڈیٹا کنگ آنت دگہٗ کس نہ کنگ، جزل وانگہٗ ڈسکشنہٗ تب ایچو کہ ڈیٹا و لگو کنگ کس نہ کنگ، اشیہٗ مستریں مسالہٗ انو گیس میڈیکل سیٹہٗ ریسہٗ سی ایس ایس کلچر آنت۔ چرے کلچراں ہٗ ہما سنج سرجمیہٗ گنگیر بوٹگ کہ یہ ہاکمہٗ پجارگہٗ کمک بہ کنت۔ اے نو آبادکارہٗ ہاموشیہٗ گوں ایردستانی نفسیاتی جینوسائیڈ آنت۔ پاکستان ہمینچو بلوچانی سُنگہٗ چگل دیگہٗ مشکول آنت دو ہمینچو ورنابانی ذہنی گوٹگ کنگ (نگدیہٗ اخلاقی سماء سُنگہٗ) دزگلائیش آنت۔

پاکستانہٗ اے پیہمیں مکاریانی ڈیٹا وٹریں اسکولہٗ جنگی منافع خور (ہندی مردم) کمکار آنت بلوچستانہٗ کیڈٹ کالجوں ہمک سال ڈیٹا اسکولہٗ دنیاہٗ جہانہٗ نو دربرگوں کہ اسکولہٗ چہ آیانی پوجی ذہن سازی کنگ بیت داں ہے ورنہ قومی تحریکہٗ آشوبہٗ چہ گستا بہ بنت وئی ہستانک، دودمانہٗ ربیدگاں بہ لگوش آنتہٗ نو آبادکارہٗ لٹہٗ پلہٗ راہاں پیچ بہ کن آنت یا ہمک سال ہزارانی کساسہٗ میڈیکلہٗ ریسہٗ اے پیہمیں اسکولانی نو دربرزوال بوگہٗ

آنت نگدی ء اخلاقی سماء جند آیبانی تہ ء ہلاس کنگ بوگ ء انت یابا کستانی کرپٹیں
 نظام ء مشینری بوگ ء زر گرگ ء واستہ ہزارانی کساس بلوچ ورنہا چہ چاگردی
 راستیاں بیگانگ سالانی سال کتا بجاہاں ٹٹہ جنگ ء وتی علمی بالاد ء آس دیگ ء
 آنت، پہ چاگرد ء مردماں آستونک ء مار بوگ ء آنت۔ اے سرجمیں عملاں
 پاکستان ڈیلٹا وٹریں اسکول ء ادارہانی ہمکاری ء کنگا انت۔

بلوچ ورنہاں نو آبادکار ء اے مکاری زانگی آنت ء ایشانی پرورش دیگ ء
 وتی زمہ واری بیلو کنگی انت آیاں نو آبادکار ء ہے دو تل ء دو پوستی آشنا بوگی
 انت سماج ء دوست ء دشمن زانگی آنت پاکستانی پروگرام ء مر آیشانی نہ تہنا بہر
 بوگی نہ انت بلکیں ہے مراکش ء پروگرامانی راستیں مکسد سماج ء تہ ء پدر کنگی انت
 داں پاک ء پلکاریں سماجے ء نیمگ ء جنزگ ء راہ ارزانتر بہ بنت، بلوچ ء ورنہا ء
 نودربراں ڈیلٹا وٹریں اسکولانی بائیکاٹ کنگی انت پہ آشوب ء جنز ء رُودگی انت
 کہ ہمیشی ء تہ ء بلوچ ء وتی زمین ء وتی دودمان، ربیدگ ء مڈیاں گوں آزاتی ء وتی
 قومی بقاء ء جانسلامتی بیگام گون انت۔